



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 01-02-8221/21
Zenica, 21.12.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016. godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača "DIAMEDIC" D.O.O. SARAJEVO, kao najpovoljnije i jedine ponude za javnu nabavku robe medicinske opreme – SPECT KAMERA za potrebe JU Kantonalna bolnica Zenica, sa najpovoljnijom ukupno ponuđenom cijenom od 998.860,00 KM, bez PDV-a, i dodjeljuje ugovor navedenom ponuđaču.

Sa odabranim ponuđačem zaključit će se ugovor na period trajanja garancije u trajanju od 12 (dvanaest) mjeseci, na ukupnu vrijednost ponude od 998.860,00 KM, bez PDV-a, a nakon pravosnažnosti ove Odluke.

II

Javna nabavka je provedena putem otvorenog postupka, uz namjeru provođenja e-aukcije, tender broj: 11-51/21.

III

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14), Komisija za nabavku medicinske opreme - Nabavka medicinske opreme SPECT KAMERA za potrebe JU Kantonalna bolnica Zenica imenovana Odlukom direktora broj: 01-02-482-1/21 od 17.08.2021. godine podnosi direktoru JU Kantonalna bolnica Zenica izvještaj o provedenom postupku javne nabavke medicinske opreme - Nabavka medicinske opreme SPECT KAMERA za potrebe JU Kantonalna bolnica Zenica.

Odlukom direktora broj 01-02-482/21 od 17.08.2021.godine pokrenut je postupak javne nabavke medicinske opreme - Nabavka medicinske opreme SPECT KAMERA za potrebe JU Kantonalna bolnica Zenica, ukupne procijenjene vrijednosti 1.000.000,00 KM bez PDV-a, otvorenim postupkom, a u skladu sa članom 19. st.1 Zakona o javnim nabavkama.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke.

Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku medicinske opreme - Nabavka medicinske opreme SPECT KAMERA za potrebe JU Kantonalna bolnica Zenica.

Komisija je na zatvorenom sastanku dana 20.12.2021. godine sa početkom u 11,00 utvrdila sljedeće:

- da je na portalu „E-nabavke“ dana 15.09.2021. godine, objavljeno je međunarodno obavještenje o nabavci broj 669-1-1-279-3-268/21 i TD sa namjerom provođenja e-aukcije, sa rokom prijema ponuda i javnim otvaranjem ponuda zakazanim za dan 01.11.2021. godine, i Ispravka obavještenja o nabavci broj 669-1-1-

279-8-324/21 od 10.12.2021. godine, sa rokom prijema ponuda i javnim otvaranjem ponuda zakazanim za dan 20.12.2021.godine,

- da je planirano zaključivanje ugovora sa jednim ponuđačem na period do isteka garancije na opremu,
- da je na portalu „E-nabavke“ bilo postavljenih upita vezano za predmetnu nabavku i to:
 - dana 28.09.2021. godine, potencijalni ponuđač se obratio Komisiji za javnu nabavku putem portala „E - nabavke“ sa sljedećim upitom: “Poštovani, Analizirajući Vasu tendersku dokumentaciju za nabavku SPECT kamere, posebno dijela tehničke specifikacije uočili smo određene stavke za koje smatramo da je potrebno dodatno pojasniti i izvršiti izmjenu. Na tržištu postoje dva relevantna proizvođača SPECT kamera a to su GE Healthcare i Siemens. Postoje određene manje razlike među tehničkim rješenjima i detaljima kod ta dva proizvođača. Analizirajući tehničku specifikaciju evidentno je da je Vasa specifikacija prilagođena samo proizvođaču Siemens i to uređaju Simbia, te je u potpunosti isključen GE Healthcare sa uređajem NM 830. Pretpostavljamo da je specifikacija nastala radi nedovoljno opširnog istraživanja tržišta od strane osoba zaduženih za te poslove u Vašoj bolnici. U tom smislu zahtjevamo izmjenu i prilagodbu sljedećih tačaka: Tačka 2.2 Najveća dužina snimanja cijelog tijela („Whole Body“), najmanje 203 cm. Proizvođač GE Healthcare posjeduje dužinu snimanja cijelog tjela od 200 cm, pa tražimo da se izvrši izmjena specifikacije ili da se da se prihvati dužina snimanja cijelog tijela od 225 cm sa ekstenzijama. Smatramo da 3 cm odstupanja nisu klinički bitna. Tačka 2.5 Najniža visina do koje se može spustiti pacijent stol, najviše 55 cm od poda Proizvođač GE Healthcare posjeduje pacijent stol sa najnižom tačkom od 59 cm od poda. Tražimo da se izvrši izmjena specifikacije. Smatramo da 4 cm odstupanja nisu klinički bitna. Tačka 2.12 i Tačka 3.7 (tačke identično glase) Izmjenjivač kolimatora, koji je integrisan ispod pacijent stola. Proizvođač GE Healthcare posjeduje rješenje putem lako pokretnih kolica za izmjenu kolimatora. Tražimo da se tačka specifikacijem izmjeni i omogući da i GE Healthcare može aplicirati na Vas postupak javne nabavke. postupku javne nabavke. Ne smatramo da je „jako bitno“ gdje se nalazi izmjenjivač kolimatora jer to ne utiče na performanse sistema. Tačka 3.2 Raspon energija pri akviziciji, najmanje od 35 do 585 keV. Proizvođač Ge Healthcare posjeduje raspon energije od 40-620 i tražimo da se izvrši izmjena ove tačke i omogući da i GE Healthcare može aplicirati na Vas postupak javne nabavke. Kod ove tačke također ne postoji klinička bitnost traženog raspona. Tačka 3.5 Kaudalni/cefalični nagib („Tilt“) detektora u rasponu od najmanje $\pm 15^\circ$, omogućavajući pozicioniranje detektora što je moguće bliže pacijentu. Proizvođač Ge Healthcare posjeduje ovu opciju uz primjenu pacijent stola ili kolica pa tražimo da se dopuni ova tačka tehničke specifikacije jer će rezultat na kraju biti isti. Tačka 3.8. Potpuno automatizovana izmjena kolimatora Proizvođač GE Healthcare nema takvo tehničko rješenje pa tražimo da se izbací taj zahtjev iz tehničke specifikacije kako bi postupak bio transparentan. Tačka 3.9 Potpuno automatizovana kontrola kvalitete bez potrebe za interakcijom korisnika. Takvo rješenje pretpostavlja ostavljanje izvora zračenja preko noći bez nadzora što je upitno sa stanovišta mjera sigurnosti i zaštite. Proizvođač GE Healthcare ne koristi takvo rješenje pa tražimo da se izbací taj zahtjev. Shodno navedenom, jasno je vidljivo da su tražene izmjene minimalne i da se sve odnose na fizičke veličine koje nemaju apsolutno nikakav klinički značaj. Tražimo da Ugovorni organ prihvati naše primjedbe u potpunosti i Vaš postupak javne nabavke učinite transparentnim . S poštovanjem”

Komisija za javnu nabavku je dana 29.09.2021. godine odgovorila: “Poštovani, Ugovorni organ je ispitao tržište, radili sa više vrsta mašina i imamo svoje zahtjeve za koje smatramo da su opravdani. Ugovorni organ treba mašinu koja omogućava kvalitetan rad, dobru rekonstrukciju, lagano rukovanje i dobru zaštitu na radu (fizičku, ali od zračenja), a pri tome da ispoštuje sve naše kliničke potrebe za protokole koje radimo i koje želimo raditi u bliskoj budućnosti. Istraživanje tržišta traje više od 10 godina, neki od nas su bili na prezentacijama raznih mašina tokom tog perioda. Potencijalni ponuđač koja ima primjedbe smatra u svojim primjedbama i opaskama „da ništa nije bitno“ tj. da ništa od onoga što traže da se izmijeni nije bitno. Naša gama kamera je stara više od 20 godina i mi sada imamo mašinu kod koje se kolimatori izmjenjuju ručno, a i kalibracija se radi ručno i znamo šta to znači po tome je vrlo slična onoj koju nude. 2.2. dužina snimanja cijelog tijela „whole body“, je bitna jer ponekad pacijenti imaju kateter i jako je bitno da kesa sa urinom bude van „FIELD OF VIEW“ kolimatora, radi kvalitete scintigrafije, jer se tada neće javljati kolizija u aktivitetu, i neće biti potrebno raditi „attenuation correction“, te će kvalitet statistike kod naprednih rekonstrukcija biti bolja. Svaka naša opaska vezana za postelju je bitna i klinički i statistički. 2.5. najniža visina: čini se da nema neki utjecaj, ali je bito kod snimanja djece i osoba sa posebnim potrebama. 2.12. i 3.7. izmjenjivači kolimatora: Ne automatizovano rješenje imamo na kameri koju sada koristimo i starija je od 20 godina. Ta izmjena kolimatora „ručno“ sa kolicima predstavlja rizik da se oštete ploče kristala, jer pri svakoj izmjeni dođe do određenog „drmanja“ aparata. Drugi razlog je i fizički napor koji je neophodan kod izmjene kolimatora jer težina kolimatora je PIN HOLE 80 kg, LEHR PAR 33 kkg po kolimatoru, MEDIUM ENERGY 63 kg (x2 kolimatora), HIGH ENERGY kolimator preko 80 kg (po jednom kolimatoru). Svi tehničari ženskog roda koji rade na ovoj izmjeni su mehaničkim kolicima su diskriminirane (radi težine kolimatora). A onu ostali ulažu fizički napor pri izmjeni kolimatora sa kolicima. 3.2. raspon energije kod pozicije može se uvažiti. 3.5. Mi sada imamo ovo što oni nude na našoj staroj mašini i nama treba nešto bolje, pomjeranje postelje i upotreba kolica nam „kradu“ vrijeme i mijenjaju dužinu snimanja, koja

treba da se odvija po rasporedu, jer mi svaku dozu preračunavamo i određujemo po vrsti scintigrafije i težini pacijenta, a kako se radioizotopi raspadaju, to se kvaliteta slike mijenja sa produženjem vremena ekspozicije kod pojedinih pacijenata u ovoj manipulaciji stolom i kolicima koji se predlaže. 3.8. potpuno automatizovana izmjena kolimatora: Mi sada mjenjamo „ručno“ i treba nam ta opcija, automatizovana, jer tako štedimo vrijeme, habanje aparata pri izmjenama i njegovo „stresanje“, te smanjujemo rizike od oštećenja, pomažemo uposlenicima da ne dođe do fizičke povrede, jer su kolimatori izuzetno teški (pročitaj tačku 2.12. i 3.7). 3.9. potpuno automatizovana kontrola kvalitete bez interakcije korisnika. Ostavljanje izvora zračenja preko noći bez nadzora je besmislena opaska, jer svaki proizvođač ovakve opcije, mora napraviti aparat sa adekvatnom zaštitom izotopa. Pominjanje mjera sigurnosti stavnoštva je bez smisla i skoro optužujuća. Kao da da mi želimo negativno djelovati na stanovništvo i okolinu i ovo bih smatrala vrlo nestručnom izjavom koja može da da se i pravno rješava (jer podrazumijeva da niti smo mi stručni, a niti da ustanova bezbijeđna za stanovništvo i okolinu). Odjel nuklearne medicine za koji se nabavlja oprema je urađen po standardima o zaštiti od zračenja, kako nalaže DARS, to kontroliše inženjer fizike, a i federalni inspektor kada je u redovnoj kontroli Odjela i mašina. Proizvođač takvog aparata mora imati odgovarajuće licence i certifikate o sigurnosti izvora. Takav način način kalibriranja nama štiti osoblje od dodatanog zračenja i dužine ekspozicije pri kalibraciji, šteti materijal, vrijeme koje je potrebno za kalibraciju. Potršni materijal za kalibraciju na godišnjem nivou nije zanemarljiv. Ne automatizovana kalibracija povlači za sobom više stvari: nabavku dodatne opreme potrebne za kalibraciju, dužu ekspoziciju uposlenika pri manuelnoj manipulaciji oko mašine, veću mogućnost kontaminacije uposlenika, aparata i porstora. AKO DOĐE DO KONTAMINACIJE PROSTORA ILI APARATA, TAJ DAN SE NE MOŽE NIŠTA RADITI I IMAMO GUBITAK AKTIVITETA RADIOIZOTOPA, SAMIM TIME SMANJEN DIJAPAZON PRETRAGA BROJČANO I KAVILJETOM SLIKE. Ovo nisu minimalne izmjene koje se traže, a za nas imaju i te kakav i klinički i praktični značaj, pa prije svega pokazuju i dobar odnos prema uposlenicima, kvalitetu njihovog rada, te kvalitetu odrađenog posla i na kraju najbitnije adekvatantretman pacijenta, pa zaključno zadovoljnog pacijenta sa odrađenom pravom dijagnostičkom metodom. LP SL JN JU KBZ”

- dana 19.10.2021. godine, potencijalni ponuđač se obratio Komisiji za javnu nabavku putem portala „E - nabavke“ sa sljedećim upitom: “Poštovani, Analizirajući Vašu tendersku dokumentaciju za nabavku SPECT kamere, uočili smo da je traženi garantni rok za isporučenu medicinsku opremu minimalno 24 (dvadesetčetiri) mjeseca od dana zapisničkog puštanja u rad medicinske opreme. S obzirom da se radi o specifičnoj opremi, praksa proizvođača je da se na navedenu opremu izdaje garancija na period od 12 (dvanaest) mjeseci. Ovim putem Vas molimo za izmjenu perioda garantnog roka u tenderskoj dokumentaciji na 12 mjeseci od dana zapisničkog puštanja medicinske opreme u rad. S poštovanjem”

Komisija za javnu nabavku je dana 20.10.2021. godine odgovorila: “Poštovani, zahvaljujemo na upitu. Izmjena je dostupna svim potencijalnim ponuđačima Portalu JN.”

- Komisija za javnu nabavku u JU Kantonalna bolnica Zenica (otvoreni postupak broj: 11-51/21) je na zatvorenom sastanku dana 20.10.2021. godine, izvršila uvid u tendersku dokumentaciju na osnovu upita potencijalnog ponuđača, izvršila izmjenu dijela TD koji se odnosi na tačku 10.5.a) TD i tačku 19.2. TD.

Nakon izmjene dio TD glasi:

- **“10.5.a) Izjava ponuđača da garantni rok za isporučenu medicinsku opremu iznosi minimalno 12 (dvanaest) mjeseci od dana zapisničkog puštanja medicinske opreme u rad. “**
- **„19.2. Minimalno trajanje garantnog roka iznosi 12 /dvanaest/ mjeseci“**

Navedene izmjene se uvrštavaju u objavljenu TD, smataju se njenim sastavnim dijelom i bit će dostavljene svim potencijalnim ponuđačima putem sistema „E-nabavke“, ostali dio tenderske dokumentacije ostaje nepromjenjen.

Obzirom da nije suštinski izmjenjena TD, koja se tiče prikupljanja nove dodatne dokumentacije datum prijema i otvaranja ponuda ostaje nepromjenjen.

- Navedena Izmjena TD je objavljena na portal “E-nabavke” dana 20.10.2021. godine,

Od strane potencijalnih ponuđača postavljana su pitanja, na koje je Ugovorni organ u određenom roku dao odgovore i obavještenja vodeći računa o jednakom tretmanu svih potencijalnih ponuđača.

- dana 22.10.2021. godine od strane potencijalnog ponuđača, uložena žalba na objavljenu TD, koja je zaprimljena putem Centralnog protokola Bolnice dana 25.10.2021. godine. Postupak je obustavljen do pravosnažnosti rješenja po žalbi i o tome su obavješteni svi potencijalni ponuđači putem portala „E-nabavke“ istog dana 25.10.2021. godine.

- dana 29.10.2021. godine potencijalnom ponuđaču je dostavljeno Rješenje o djelimičnom usvajanju žalbe.
- dana 01.11.2021. godine uložena je žalba na Rješenje o djelimičnom usvajanju žalbe, koja je zaprimljena putem Centralnog protokola Bolnice dana 04.11.2021. godine, a koju je ugovorni organ u cjelosti odbio i uputio URŽ Mostar na donošenje zaključka.
- Zaključkom URŽ-a Sarajevo, broj: JN2-01-07-1-3141-5/21 od 02.12.2021. godine, zaprimljenog kod Ugovornog organa dana 10.12.2021. godine, pod brojem 32-04-7938/21, ista je odbačena kao neuredna,
- da je dana 10.12.2021. godine izvršena Ispravka Obavještenja o nabavci, broj 669-1-1-279-8-324/21, za nastavak postupka predmetne nabavke i rokom prijema ponuda i javnim otvaranjem ponuda zakazanim za dan 20.12.2021. godine,
- da je sa portala „E-nabavke“ tendersku dokumentaciju objavljenu 15.09.2021. godine, preuzelo ukupno 12 (dvanaest) potencijalnih ponuđača, Ispravku tenderske dokumentacije objavljenu 20.10.2021. godine, preuzelo ukupno 7 (sedam) potencijalnih ponuđača, Obavještenje o obustavljanju postupka preuzelo ukupno 8 (osam) potencijalnih ponuđača i Ispravku tenderske dokumentacije objavljenu 10.12.2021. godine, preuzelo ukupno 6 (šest) potencijalnih ponuđača,
- da je javno otvaranje ponuda bilo dana 20.12.2021.godine u 10,00 sati,
- da je na javnom otvaranju ponuda prisustvovao predstavnik ponuđača „DIAMEDIC“ d.o.o. Sarajevo, gosp. Adnan Mirojević,
- da su na tender broj 11-51/21, u predviđenom roku pristigla 1 (jedna) ponuda i to ponude ponuđača:

1. „DIAMEDIC“ D.O.O. SARAJEVO

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	CIJENA
1	„DIAMEDIC“ D.O.O. SARAJEVO	Ukupna cijena ponude (bez PDV-a): 998.860,00 KM Garantni rok: 12 /dvanaest/mjeseci

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

USLOVI ZA KVALIFIKACIJU

Ponuđač je dužan u svrhu dokazivanja lične sposobnosti iz člana 45. ZJN BiH dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave, suda ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije,

odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 10 (deset) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. ZJN BiH.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Ponuđač je dužan u svrhu dokazivanja sposobnosti obavljanja profesionalne djelatnosti kandidata iz člana 46. ZJN BiH dokazati da je:

a) da je registrovan u relevantnim profesionalnim ili drugim registrima u zemlji u kojoj je registrovan, ili dostavi posebnu izjavu ili potvrdu nadležnog organa kojom dokazuje njihovo pravo da obavlja profesionalnu djelatnost koja je u vezi sa predmetnom nabavkom.

b) upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH

U svhu dokazivanja uslova iz tačke a) ponuđač je dužan dostaviti:

- Rješenje o upisu u sudski registra ili Aktuelni sudski izvadak iz sudskog registra ili neki drugi dokument kojim ponuđač nedvosmisleno dokazuje da je registrovan za obavljanje predmetne djelatnosti.

U svrhu dokazivanja uslova iz tačke b) ponuđač je dužan dostaviti:

- važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

Ponuđač je dužan dostaviti navedene dokaze uz ponudu u kopiji.

Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenoj kopiji od strane nadležne institucije u roku od 7 /sedam/ dana od dana zaprimanja obavještenja o rezultatima ovog postupka javne nabavke.“

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač je dužan u svrhu dokazivanja ekonomsko i finansijske sposobnosti kandidata iz člana 47. ZJN BiH dokazati da:

a) da je glavni transakcijski bankarski račun ponuđača aktivan i solventan

U svrhu dokazivanja uslova iz tačke a) ponuđač je dužan dostaviti izjavu ovjerena od strane ponuđača, koja je dostavlja u formi iz Priloga broj 4. TD, koja ne smije biti starija od 15 dana od dana predaje ponude i dostavljanje:

- a) Potvrda banke ponuđača ili druge finansijske institucije (npr. Centralna banka BiH) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/ dana računajući od dana dostavljanja ponude

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač je dužan u svrhu dokazivanja tehničke sposobnosti kandidata iz član 48. i 49. ZJN BiH dokazati:

- a) da je ponuđena medicinska oprema upisana u registar medicinskih sredstava kod Agencije za lijekove i medicinska sredstva BiH,
- b) da ponuđena medicinska oprema posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- c) da ima angažovane tehničko osoblje za poslove postavljanja, instaliranja i servisiranja ponuđene medicinske opreme.
- d) opise i/ili fotografije ponuđene opreme

U svrhu dokazivanja uslova iz tačke a) ponuđač je dužan dostaviti:

- kopiju važećeg dokumenta (rješenje, potvrda i sl.) o upisu ponudjenog medicinske opreme u registar medicinskih sredstava kod Agencije za lijekove i medicinska sredstva BiH.

U svrhu dokazivanja uslova iz tačke b) ponuđač je dužan dostaviti:

- EC –Certifikat o uskladenosti ili izjave proizvođača o uskladenosti ponudjenog medicinskog sredstva s evropskom direktivom (Declaration of Conformity), obična kopija,
- Izjava ponudjača da će uz isporuku medicinskog sredstva dostaviti ovjerenu kopiju saglasnosti za uvoz medicinskog sredstva-opreme izdatog od strane Agencije za lijekove i medicinska sredstva BiH (originalan dokument),

U svrhu dokazivanja uslova iz tačke c) ponuđač je dužan dostaviti:

- spisak angažovanih ovlaštenih certificiranih servisera u BiH i to najmanje 2 /dva/ ovlaštena servisera, sa adresama i kontakt telefonima, potpisan od strane ponuđača (originalan dokument),
- certifikate za servisere izdate od strane proizvođača opreme (obična kopija)

U svrhu dokazivanja uslova iz tačke d) ponuđač je dužan dostaviti:

- prospektnu dokumentaciju za ponuđeno medicinsko sredstvo (tehničke karakteristike, kataloška slika) na jednom od službenih jezika u B i H,

NAPOMENA: Primjena uslova za dokazivanja tehničke sposobnosti kandidata (Član 48. i 49. ZJN BiH) pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava-opreme upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016. godine. Za ponuđače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b).

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 10 (deset) dana od dana zaprimanja obavještenja o rezultatima ovog postupka javne nabavke.

Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom.

Ako je period od registracije/osnivanja dobavljača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost dobavljača, dobavljač treba dostaviti dokumente samo za period od svoje registracije/osnivanja.

Izjave i dokumenti o uslovima isporuke, garanciji i pružanju servisne podrške:

1. Izjava ponuđača da garantni rok za isporučena medicinsku opremu iznosi **minimalno 12 (dvanaest) mjeseci od dana zapisničkog puštanja medicinske opreme u rad**,
2. Izjava ponudjača da su za vrijeme garantnog roka usluge servisiranja (što podrazumijeva korektivni i preventivni servis i sve ostale eventualne usluge) i rezervni dijelovi kao i potrošni materijala i dijelova za preventivni i korektivni servis su besplatne,
3. Izjava da su za aparat obezbijedjeni rezervni dijelovi i ovlaštenu servis za minimalno 10 /deset/ godina od puštanja opreme u rad,
4. Lista rezervnih dijelova sa cijenama, ovjerena i potpisana od strane ponuđača
5. Izjava da će se svi kvarovi na aparatu u garantnom roku otkloniti u roku od 24 sata nakon prijave kvara, odnosno maksimalno 7 (sedam) dana neophodnih za nabavku i zamjenu neispravnih rezervnih dijelova, uz odziv serviseru najkasnije u roku od 24 sata od momenta prijave kvara od strane nadležne osobe naručioca,
6. Izjava ponuđača da ako kvar na predmetnom aparatu u garantnom roku potraje duže od 7 /sedam/dana da se dati garantni rok za to vrijeme produžuje,
7. Izjava ponuđača da je tokom garantnog roka isporučilac dužan minimalno 2 (dva) puta godišnje izvršiti preventivno servisiranje opreme prema zahtjevu korisnika,
8. Izjava ponudjača da će obezbijediti obaveznu aplikacionu obuku u trajanju od 10 radnih dana u iteracijama od 2 puta po 5 dana, na isporučenom predmetnom aparatu, potpisana i ovjerena od strane ovlaštene osobe
9. Izjava ponuđača da će obezbijediti obaveznu operativno-tehničku obuku korisnika na isporučenom predmetnom aparatu, potpisana ovjerena od strane ovlaštene osobe,
10. Izjava ponuđača da UPS uređaj, koji će biti isporučen i instaliran uz aparat, dimenzioniran tako da omogućava najmanje 10 minuta dodatnog rada nakon eventualnog nestanka električne energije, kako bi se pretraga dovršila i/ili pacijent sigurno evakuirao iz aparata, potpisana i ovjerena od strane ovlaštene osobe
11. Izjava ponuđača da je u isporuku predmetne robe uključena izrada finalne betonske podloge iz stavke 8.1. Obrasca za cijenu ponude, na koji će se postaviti predmetni aparat, te obavezna isporuka i ugradnja prozora sa zaštitnim olovnom staklom iz stavke 8.2. Obrasca za cijenu ponude te besplatna instalacija i puštanje u rad opreme,
12. Izjava ponuđača da će nakon završene instalacije i edukacije ugovorne strane potpisati zapisnik o puštanju opreme u rad,
13. Izjava ponuđača da se isti obavezuje da u roku od 6 mjeseci, odnosno 12 mjeseci vrši izmjene izvora iz stavke 3.9. Obrasca za cijenu ponude, Prilog broj 2 TD
14. Izjava ponuđača da rok isporuke predmetne robe neće biti duži od 30 (trideset) dana od dana obostranog potpisivanja predmetnog ugovora u skladu sa tačkom 9. TD
15. Izjava ponuđača da je mjesto isporuke predmetne robe JU Kantonalna bolnica Zenica u skladu sa tačkom 8. TD
16. Izjava ponuđača o opciji ponude u trajanju od 120 (stodvadesetdana) dana u skladu sa tačkom 21. TD
17. Izjava ponuđača o plaćanju u skladu sa tačkom 32. TD,

Napomena: Tačna dužina garantnog roka za ponuđenu opremu u mjesecima (obzirom da je jedan od kriterija) biće unešena u ugovor o javnoj nabavci, nakon provedene e-aukcije.

Komisija koja provodi predmetnu javnu nabavku konstatuje da je ponuđač „DIAMEDIC“ D.O.O. SARAJEVO, uz ponudu za nabavku roba – medicinska oprema SPECT KAMERA za potrebe JU Kantonalna bolnica Zenica dostavio slijedeće dokumente, i to:

- Naslovna strana sa osnovnim podacima ponuđača potpisana i ovjerena od strane ovlaštene osobe,
- Osnovni podaci o ponuđaču, potpisani i ovjereni od strane ovlaštene osobe, sa popisom
- dostavljene dokumentacije koja čini sastavni dio TD;
- Obrazac za dostavljanje ponude, **Prilog broj 1**, popunjen, ovjeren i potpisan od strane ovlaštene osobe;
- Sadržaj ponude, ovjeren i potpisan od strane ovlaštene osobe;
- Obrazac za cijenu ponude, **Prilog broj 2**, popunjen, ovjeren i potpisan od strane ovlaštene osobe,
- Obrazac izjave o ispunjenosti uslova iz člana 45. stav (1) tačkica od a) do d) Zakona o javnim nabavkama BiH, ovjerena od strane nadležnog organa dana 15.12.2021. godine, **Prilog broj 3**;

- Uvjerjenje suda BiH, broj Su:03-7781/21 od 12.10.2021. godine o činjenicama iz službene evidencije, kojom se potvrđuje da protiv pravnog lica nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu **čl.45.st.2 tačka a) ZJN** BiH, ovjerena od strane nadležnog organa 15.12.2021. godine,
- Uvjerjenje Općinskog suda u Sarajevu, broj broj 65 0 Kr 016474 21 od 09.11.2021. godine o činjenicama iz službene evidencije, u smislu **član 45. stav (2) tačka a) ZJN** BiH, ovjerena od strane nadležnog organa 15.12.2021. godine,
- Uvjerjenje Općinskog suda u Sarajevu, broj broj 065-0-R-21-002344 od 09.11.2021. godine o činjenicama iz službene evidencije, u smislu **čl.45.st.2 tačka b) ZJN** BiH, ovjerena od strane nadležnog organa 15.12.2021. godine,
- Uvjerjenje Općinskog suda u Sarajevu, broj 065-02-SU-21-004527 od 09.11.2021. godine da ponuđač nema duga u Registru novčanih kazni, ovjerena od strane nadležnog organa 15.12.2021. godine,
- Uvjerjenje Općinskog suda u Sarajevu, broj 065-02-SU-21-004526 od 09.11.2021. godine da odgovorno lice Barbarić Dubravko, nema duga u Registru novčanih kazni, ovjerena od strane nadležnog organa 15.12.2021. godine,
- Uvjerjenje Porezne uprave Federacije, Porezna ispostava Ilidža, broj: 13-9/5-12-3172-1/21 AZ od 10.11.2021. godine da ponuđač nema duga po osnovu javnih prihoda, ovjerena od strane nadležnog organa 15.12.2021. godine,
- Uvjerjenje UIO Regionalni centar Sarajevo br. 02/6/II-16-11-20-10096/21 od 10.11.2021. god., da ponuđač na dan 10.11.2021. godine, nema dospjelih, a neizmirenih obaveza po osnovu indirektnih poreza, ostalih prihoda i taksi definisanih odredbama člana 1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinствeni račun i raspodjeli prihoda, kopija ovjerena od strane nadležnog organa 15.12.2021. godine,
- Aktuelni izvod iz sudskog registra, Općinski sud u Sarajevu, broj: 065-0-Reg-Z-21-010267 od 09.11.2021. godine, ovjerena od strane nadležnog organa dana 15.12.2021. godine,
- Rješenje Općinski sud Sarajevu i izmjenama podataka o upisu u sudski registar, broj: 065-0-Reg-13-001834 od 01.07.2013. godine, kopija ovjerena od strane nadležnog organa dana 15.12.2021. godine,
- Uvjerjenje Porezne uprave Federacije, o poreznoj registraciji ponuđača od 02.08.2013. godine, kopija ovjerena od strane nadležnog organa dana 15.12.2021. godine,
- Uvjerjenje UiO BiH, broj: 04/1-17-1-UPJR/1-6307-2/13 od 03.09.2013. godine, o upisu ponuđača u Jedinствeni registar obveznika indirektnih poreza, kopija ovjerena od strane nadležnog organa dana 15.12.2021. godine,
- Rješenje Agencije za lijekove i medicinska sredstva BiH, broj: 10-07.12-2-6887-1/18 od 11.10.2018. godine o **upisu** ponuđača u Registar veleprometnika medicinskim sredstvima, kopija ovjerena od strane nadležnog organa dana 15.12.2021. godine,
- Rješenje Agencije za lijekove i medicinska sredstva BiH, broj: 10-07.12-2-6887-3/18 od 17.02.2020. godine o **izmjeni** rješenja o upisu ponuđača u Registar veleprometnika medicinskim sredstvima, kopija ovjerena od strane nadležnog organa dana 15.12.2021. godine,
- Izjava o ispunjenosti uvjeta iz člana 47. stav (1) tačke od a) do d) i (4) ZJN, ovjerena od strane nadležnog organa, dana 15.12.2021. godine, **Prilog broj 4. TD**;
- Izvještaj Centralne banke BiH o računima poslovnog subjekta na dan 22.10.2021. godine, kopija, ovjerena od strane nadležnog organa, dana 15.12.2021. godine,
- Potvrda Raiffeisen Banke Sarajevo o solventnosti računa broj: 04462/21 od 14.12.2021 godine, kopija, ovjerena od strane nadležnog organa, dana 15.12.2021. godine,
- Potvrda Agencije za lijekove i medicinska sredstva BiH, broj: 06-07.4-1-1639-5/21 od 19.08.2021. godine o upisu med. sredstva u Registar medicinskih sredstava BiH, sa rokom važenja do 18.08.2026. godine, kopija ovjerena od strane nadležnog organa, dana 22.10.2021. godine,
- Potvrda Agencije za lijekove i medicinska sredstva BiH, broj: 06-07.4-1-7356-1/21 od 13.09.2021. godine o upisu med. sredstva u Registar medicinskih sredstava BiH, sa rokom važenja do 12.09.2026. godine, kopija ovjerena od strane nadležnog organa, dana 22.10.2021. godine,
- Spisak angažovanih ovlaštenih certificiranih serviser, potpisan i ovjeren od strane ovlaštene osobe;
- Certifikat – Siemens Healthineers - za lice Aleksandar Trisović, prevod sudskog tumača i document na engleskom jeziku, kopija ovjerena od strane nadležnog organa, dana 27.10.2021. godine,
- Certifikat – Siemens Healthineers - za lice Muris Hebibović, prevod sudskog tumača i dokument na engleskom jeziku, kopija ovjerena od strane nadležnog organa, dana 22.10.2021. godine,
- Certifikat – Siemens - za lice Tarik Redžić, prevod sudskog tumača i dokument na engleskom jeziku, kopija ovjerena od strane nadležnog organa, dana 22.10.2021. godine,
- Certifikat – Siemens Healthineers - za lice Marjan Andjelković, prevod sudskog tumača i dokument na engleskom jeziku, kopija ovjerena od strane nadležnog organa, dana 22.10.2021. godine,
- Prospektna dokumentacija - Siemens Healthineers – Symbia EVO SPECT, prevod na bosanski jezik, original document (od str. 57 do str. str. 80),

- Izjava ponuđača o garanciji od 12 mjeseci, potpisana i ovjerena od strane ovlaštene osobe;
- Izjava ponuđača o besplatnom servisu za vrijeme garantnog roka, potpisana i ovjerena od strane ovlaštene osobe;
- Izjava ponuđača o obezbjeđenju rezervnih dijelova minimalno za 10 godina, potpisana i ovjerena od strane ovlaštene osobe;
- Lista rezervnih dijelova sa cijenama, potpisana i ovjerena od strane ovlaštene osobe (od str. 84 do str. 86);
- Izjava ponuđača o otklanjanju kvarova u roku od 24 sata, potpisana i ovjerena od strane ovlaštene osobe;
- Izjava ponuđača o produženju garantnog roka, potpisana i ovjerena od strane ovlaštene osobe;
- Izjava ponuđača o preventivnom servisu, potpisana i ovjerena od strane ovlaštene osobe;
- Izjava ponuđača o aplikacionoj obuci, potpisana i ovjerena od strane ovlaštene osobe;
- Izjava ponuđača o operativno-tehničkoj obuci, potpisana i ovjerena od strane ovlaštene osobe;
- Izjava ponuđača o karakteristikama UPS-a, potpisana i ovjerena od strane ovlaštene osobe;
- Izjava ponuđača o betonskoj podlozi i ugradnji prozora sa zaštitnim olovnom staklom, potpisana i ovjerena od strane ovlaštene osobe;
- Izjava ponuđača o zapisniku puštanja opreme u rad, potpisana i ovjerena od strane ovlaštene osobe;
- Izjava ponuđača o izmjenama izvora iz srtavke 3.9 obrasca za cijenu ponude, potpisana i ovjerena od strane ovlaštene osobe;
- Izjava ponuđača o roku isporuke, potpisana i ovjerena od strane ovlaštene osobe;
- Izjava ponuđača o mjestu isporuke, potpisana i ovjerena od strane ovlaštene osobe;
- Izjava ponuđača o opciji ponude, potpisana i ovjerena od strane ovlaštene osobe;
- Izjava ponuđača o uslovima plaćanja, potpisana i ovjerena od strane ovlaštene osobe;
- Obrazac Izjave o dostavi garancije za uredno izvršenje ugovora, **Prilog broj 5**, popunjen, potpisan i ovjeren od strane ovlaštene osobe ponuđača,
- Pismena izjava iz člana 52. Zakona o javnim nabavkama, **Prilog broj 6**, popunjena, potpisana i ovjerena od strane ovlaštene osobe ponuđača i ovjerena od strane ovlaštenog organa dana 15.12.2021. godine
- Obrazac za povjerljive informacije, **Prilog broj 7**, potpisan i ovjeren od strane ovlaštene osobe ponuđača,
- Nacrt ugovora o nabavci i održavanju medicinske opreme, **Prilog broj 8**, popunjen, potpisan i ovjeren od strane ovlaštene osobe ponuđača,
- Obrazac izjave o prihvatanju općih i posebnih uslova tenderske dokumentacije, **Prilog broj 9**, popunjen, potpisan i ovjeren od strane ovlaštene osobe ponuđača,
- Izjava ponuđača o isporuci odgovarajućih stolova i stolica, potpisana i ovjerena od strane ovlaštene osobe;
- Garancija za ozbiljnost ponude od 16.12.2021. godine.

Analizom ponude ponuđača „DIAMEDIC“ D.O.O. SARAJEVO, Komisija koja provodi predmetnu javnu nabavku robe – SPECT KAMERA za potrebe JU Kantonalna bolnica Zenica je utvrdila da je ponuda uvezana na način utvrđen T.D., da je ista numerisana i da je ponuđač dostavio “KOPIJU” i “ORIGINAL” ponude kako je traženo u tački 12. TD, da je ponuđač dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu:

- lične sposobnosti iz člana 45. ZJN BiH u skladu sa tačkom 10.1. TD, odnosno da je utvrđeno da je imenovani ponuđač dostavio svu potrebnu dokumentaciju u skladu sa članom ZJN BiH i uslovima iz TD, te u slučaju da isti bude odabran Odlukom o izboru najpovoljnijeg ponuđača istu nije dužan dostavljati jer je ista sastavni dio ponude.
- profesionalne sposobnosti iz člana 46. ZJN BiH, u skladu sa tačkom 10.2. TD, odnosno da je ponuđač dostavio aktuelni izvadak iz sudskog registra Općinskog suda u Sarajevu iz kojeg je vidljivo da je registriran za obavljanje predmetne djelatnosti kao i rješenje Agencije za lijekove i medicinska sredstva BiH o upisu u registar veletrgovaca lijekovima i medicinskim sredstvima
- ekonomsko-finansijske sposobnosti iz član 47. ZJN BiH, u skladu sa tačkom 10.3.TD, gdje je dostavio uredno potpisan i ovjeren Prilog broj 4 TD, kao i potvrdu o glavnom računa ponuđača,
- tehničke sposobnosti iz člana 48. i 49. ZJN BiH a u skladu sa tačkom 10.4. TD, odnosno da je isti uredno dostavio rješenje o registraciji ponudene robe sa rokom važenja rješenja do 18.08.2026. godine, odnosno do 12.09.2026. godine
- te da je ponuđač dostavio sve izjave o uslovima isporuke, garanciji i pružanju servisne podrške, ovjerene i potpisane od strane ovlaštene osobe u skladu sa tačkom 10.5. TD

Predsjednica Komisije za predmetnu javnu nabavku je na otvaranju ponuda izuzela kopiju dostavljene ponude, istu pregledala i utvrdila da je ponuda odnosno tehnička specifikacija u cjelosti sa Obrascem za cijenu ponude Prilog broj 2 TD, te kao takva je u cjelosti prihvatljiva ugovornom organu.

Na osnovu navedenog Komisija koja provodi predmetnu javnu nabavku konstatuje da ponuda ponuđača „DIAMEDIC“ D.O.O. SARAJEVO u predmetu nabavke roba: medicinska oprema – SPECT

KAMERA za potrebe JU Kantonalna bolnica Zenica u cjelosti pravno i formalno zadovoljila postavljene uslove, da je ista u cjelosti u skladu sa tehničkom specifikacijom iz Obrasca za cijenu ponude, Prilog broj 2 TD, te na osnovu svega gore navedenog ponuda je kao takva prihvatljiva za Ugovorni organ.

Nakon toga prišlo se na ocjenu prihvatljivih ponuda u skladu sa utvrđenim kriterijima i dodjeli odgovarajućeg broja bodova.

U tenderskoj dokumentaciji za nabavku roba –Nabavka medicinske opreme SPECT KAMERA za potrebe JU Kantonalna bolnica Zenica (otvoreni postupak nabavke – tender br. 11-51/21) procjenjene vrijednosti bez uračunatog PDV-a iznosi 1.000.000,00 KM, JRJN - 33100000-1 Medicinske naprave,

Kriterij za dodjelu ugovora je:

- a) Ekonomski najpovoljnija ponuda
Ponude se ocjenjuju na osnovu sljedećih podkriterija
a) cijena – čija je vrijednost 90%
b) dužina garantnog roka– čija je vrijednost 10%

Također, tenderskom dokumentacijom planirano je provođenje e-aukcije.

Obzirom da je nakon provjere kvalificiranosti ponuđača utvrđeno da 1 (jedan) ponuđač ispunjavaju sve zahtjeve iz TD, čime se nisu stekli uslovi za provođenje e-aukcije.

Izvršeno je rangiranje jedine prihvatljive ponude:

Redni broj	Naziv ponuđača	CIJENA bez PDV-a, u KM	GARANTNI ROK (MJESECI)
1.	„DIAMEDIC“ D.O.O. SARAJEVO	998.860,00	12 /dvanaest/

Procijenjena vrijednost nabavke je 1.000.000,00 KM bez PDV-a.

Obzirom da je u predmetu nabavke robe - Nabavka medicinske opreme SPECT KAMERA za potrebe JU Kantonalna bolnica Zenica (otvoreni postupak nabavke – tender br. 11-51/21) , pristigla samo jedna kvalificirana ponuda, da zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da u postupku za nabavku robe - nabavka medicinske opreme SPECT KAMERA za potrebe JU Kantonalna bolnica Zenica (otvoreni postupak nabavke – tender br. 11-51/21) , izvrši odabir ponude i donese odluku o dodjeli ugovora na period do isteka garantnog roka datog na predmetnu robu 12 (dvanaest) mjeseci na vrijednost u visini ponude od 998.860,00 KM bez uračunatog PDV-a, ponuđaču „DIAMEDIC“ D.O.O. SARAJEVO kao jedinom prihvatljivom ponuđaču.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba
Kantonalnoj bolnici Zenica u roku od 10 (deset) dana
od dana prijema iste.


DIREKTOR
Prof. dr. sc. prim Rasim Skomorac

Anabela J. Anulic
10